



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Synodus Landavensis, Svb Ioseph XXVIII. Ibidem Episcopo, in qua Mouric
rex Gualatmoricant ob violatum refugium sanctorum Dubricii, &c.
anathematizatur.

urn:nbn:de:hbz:466:1-15625

CIRCA ANNUM CHRISTI 1034.
SYNODVS LANDAVENSIS,
SVB IOSEPH XXVIII. IBIDEM EPISCOPO,
in qua Mouric rex Gualatmoricant ob violatum refu-
gium sanctorum Dubricii, &c. anathematizatur.

MOURIC rex Gualatmoricant filius Hiugel iratus est cuidam potenti suo viro, & venit cum furore nimio ad Landauiam, frangendo refugium sanctorum Dubricii, Teliaui, & Oudocei, & accepit ab ostio ecclesie vxorem illius viri nomine Seifill, & in presentia episcopi Ioseph, & violato refugio sanctorum, & vulnerato quodam de familia episcopi, & ablata vxore, & vi & fortitudine, mandauit pontifex per ecclesias totius parochie adiacentis ecclesie Landauie ab ostio Taratir super ripam Gui vsque ad ripam Tigui: & adunatis omnibus clericis de maiori gradu vsque ad inferiorem, & in plena Synodo anathematizauit regem, potius iniquum mandatorum Dei transgressorem. Et facto anathemate, & per patriam dilatato, rex requisit veniam apud Landauiam. In primis offerens se redditurum raptam vxorem, & vulneratum virum familiarem episcopi pacare muneribus, cum refugii plena redintegratione. Et iuncta sibi poenitentia cum data venia ad modum culpae reddidit villam Trefgulich cum tribus modiis terrae Deo & sanctis Dubricio, Teliauo, & Oudoceo, quae antea fuerat illorum, & tempore Iudhail regis Morcannuc filii Athris contemporanei Oudocei episcopi, & cum sua tota libertate, & data communionem in campo & in siluis, in aqua & in pascuis. De clericis testes sunt Ioseph episcopus, Rind sacerdos, Ioseph sacerdos. De laicis Mouricus rex Caratauc, filius Gulbrit, Seifill filius Gisterth, Teudur filius Idguin. Finis illius terrae est Orpognisma Dirruic, &c. Quicumque custodierit, &c.